

Jaiaren doinu alaiak

Estitxu Sudupe abeslariak eta Mendaraz anaia txalapartariak grabatu dute 'Elkarren beharrea' kantua

Jadanik maiz entzun izan ditugu *Elkarren beharrea* kantuen doinuak, han eta hemen; eta bihar ere, bistan denez, sarritan entzungo dugu Estitxu Suduperen ahotsa *Kilometroak elkarren beharrea* leloa kantatuz, Mendaraz anaien txalaparta erritmoen gainean.

Halaber, Estitxu Sudupek berak jendaurrean interpretatuko du aurtengo Kilometroak dela eta argitaratu den *Elkarren beharrea* kantua, bihar, Kilometroak jaian, lizeoan, arratsaldeko 14:30ean. Dударik ez da jaira bilduko diren lagun ugari ere lagunduko diotela Estitxu Suduperi abestiren leloa kantatzen, eta baita beste hainbat pasarte ere.

Estitxu Sudupe abeslariak eta Mendaraz anaia txalapartariak grabatu dute kantua. Estitxu Sudupek berak konposatu du kantua, eta hitzak ere idatzi ditu, Arantxa Gabiriaren laguntzaz.

Elkarlananean argitaletxeak, Ikastolen Elkartek eta Urretxu-Zumarraga ikastolak argitaratu dute kantua. Tramgrafik/komunika enpresa arduratu

KANTUAREN AURKEZPENA

Estitxu Sudupek lizeoan kantatuko du Elkarren beharrea abestia, 14:30ean

da CDaren diseinuaz, eta Pako Vierbucher eta Luis Angel Teillez argazkiez.

Dantza egiteko musika

Estitxu Sudupe urretxuar kantariak hiru disko dauzka kalean. 1999an, Donostiako Orfeoian aritzen zen. Urte horretan, disko bat grabatzeko proposamena jaso, Uga proiektuan murgildu, eta Orfeoia utzi zuen.

Uga proiektuaren bultzatzaileak izan ziren Carl Watermack musikaria eta Run Down Music disketxea, eta Estitxu Sudupe zen kantaria. Dance musika egitea zen asmoa. Urte hartan grabatu zuten *Udako gauaren ametsa* lehenengo diskoa. Musika alaia, dantza egitera bultzatzen duena, entzun ahal da lan horretan —Uga taldeko hurrengo diskoetan bezala—, eta hitzek

ETB

Estitxu Sudupe abeslaria, *Elkarren beharrea* kantuen egilea.

adiskidetasuna, maitasuna eta antzeko gaiak jorratzen dituzte.

Uga taldeak beste bi disko grabatu ditu (azkena, iragan urtean), lehenengo laneko bide beretik jarraituz; eta, ondorioz, Estitxu Sudupek kontzertu ugari eman ditu 2000. eta 2001. urteetan.

Abestien sormen lanean geroz eta partaidetza handiagoa izan du Estitxu Sudupek, diskoz disko. Ugaren lehen diskorako, hiru kanturen hitzak idatzi zituen, eta hirugarren lane-rako, berriz, guztiak.

Kantari lanetan aritzeaz gain, Estitxu Sudupek ETBn ere jardun du, *Betishow* saioko aurkezle gisa.

KANTUA

Elkarren beharrea

Oraina dugu biharko oinarri,
bakarka ezin, geroa eraiki.
indarrak batu, ados jarri,
eskuak luzatuz elkarri.

Kilometroak, euskera bultzatuz,
Kilometroak, etorkizuna aurrean,
Kilometroak, testigua hartuz,
Kilometroak elkarren beharrea.

Asmo eta nahiak egi bihurtzeko
Ikastolak du hainbat egiteko.
Ez etsi, erronka aurrean,
baikaude elkarren beharrea.

Hitzak: Estitxu Sudupe eta Arantxa Gabiria. **Musika:** Estitxu Sudupe.
Txalapartariak: Mendaraz anaia.



ARMAZOIRIK
GABEKO
BETAURREKOAK
49

€ TIK HASITA

MULTIOPTICAS
LARRAÑAGA

1.A ZERBITZU OPTIKOETAN
ARRASATE • BERGARA • ORDIZIA

MULTIOPTICAS

EIBAR • ERRENTERIA



www.multiopticas.com
Informa zaitetz gure Kreditu Txartelen abantailaz

El kalkulua hau 02/03/02tik 02/10/31ra bitartean egongo da indarrean.